

Nacrt!

Na osnovu člana 13. Zakona o principima lokalne samouprave u Federaciji Bosne i Herceovine ("Sl. novine FBiH" broj 49/06 i 51/09), člana 39. Zakona o socijalnoj zaštiti, zaštiti civilnih žrtava rata i zaštiti porodica sa djecom TK" ("Sl. novine TK" broj 5/12,7/14,11/16, 15/16 i 13/16), člana 4. stav 3. Odluke o utvrđivanju osnovica, stopa i načinu obračunavanja i uplate doprinosa za obavezno zdravstveno osiguranje na području TK ("Sl. novine TK" broj 1/10, 9/12, 4/14, 16/14, 7/15, 17/15, 5/16) i člana 6. Statutarne odluke o organizaciji Grada Gradačac u skladu sa Zakonom o Gradu Gradačac, Gradsko vijeće Gradačac na ____ redovnoj sjednici održanoj dana _____ donosi

ODLUKU

o uslovima i postupku za ostvarivanja prava na obavezno zdravstveno osiguranje lica u statusu socijalne potrebe na području grada Gradačca

Član 1.

Ovom Odlukom utvrđuju se korisnici, uslovi, procedure i nadležnost za rješavanje po zahtjevu za ostvarivanje prava na obavezno zdravstveno osiguranje lica u statusu socijalne potrebe, kao i način obezbjeđivanja uplate sredstava koja se osiguravaju za te namjene.

Član 2.

Korisnici prava na obavezno zdravstveno osiguranje su lica u statusu socijalne potrebe, koja pravo na obavezno zdravstveno osiguranje ne mogu ostvariti po nekom drugom osnovu, a imaju prebivalište na području grada Gradačca (u daljem tekstu: korisnik).

Član 3.

Postupak za ostvarivanje prava na obavezno zdravstveno osiguranje pokreće se zahtjevom korisnika koji uz isti prilaže dokumentaciju:

- ovjerenu kopiju lične karte
- potvrdu o prebivalištu / CIPS
- uvjerenje Porezne uprave da korisnik nije zaposlen niti je zdravstveno osiguran i da nema duga po osnovu zdravstvenog osiguranja,
- dokaz da po drugom osnovu ne može ostvariti ovo pravo (Ministarstvo obrazovanja i nauke TK, Ministarstvo za rad, socijalnu politiku i povratak TK, Ministarstvo za boračka pitanja TK i dr.)

Član 4.

Zahtjev sa propisanom dokumentacijom se podnosi JU Centar za socijalni rad Gradačac koji provodi postupak i rješava u prvom stepenu.

Protiv prvostepenog rješenja JU Centar za socijalni rad Gradačac nezadovoljni korisnik može izjaviti žalbu Komisiji za Statut i opća akta Gradskog vijeća Gradačac u roku od osam dana od dana prijema rješenja.

Član 5.

Pravo na obavezno zdravstveno osiguranje utvrđeno po osnovu ove Odluke se ostvaruje u toku jedne kalendarske godine i traje od dana priznavanja prava, a najduže do 31.12. tekuće godine.

Član 6.

Prijavu, odjavu, obračun i uplatu sredstava nadležnom fondu zdravstvenog osiguranja za osiguranje neosiguranih lica vršiće Centar za socijalni rad Gradačac.

Član 7.

Sredstva potrebna za realizaciju ove Odluke obezbjediće se u Budžetu Grada Gradačca, a doznačavaće se na žiro račun Centra za socijalni rad Gradačac.

Za sve pojedinačne transfere JU Centar za socijalni rad Gradačac dostavljaće Gradskoj službi za društvene djelatnosti i BIZ mjesečni izvještaj o utrošku sredstava za ove namjene sa dokazima o uplati.

Član 8.

Ova Odluka stupa na snagu danom objavljivanja u Službenom glasniku Grada Gradačca.

BOSNA I HERCEGOVINA
FEDERACIJA BOSNE I HERCEGOVINE
TZLANSKI KANTON
GRAD GRADAČAC
-Gradsko vijeće-

Broj: 01- /19
Datum,

PREDSJEDAVAJUĆI
GRADSKOG VIJEĆA

Kujraković Husein, prof.